
“НЕФТЧИ”; 2022 ЙИЛГИ МАВСУМНИ ЙИРИК ҒАЛАБА БИЛАН ЯКУНЛАДИ

Футбол бўйича Ўзбекистон Суперлигаси якуний 26-тури доирасида бугун Фарғонада Термизнинг "Сурхон" жамоасини қабул қилган "Нефтчи" мавсумни йирик ғалаба билан якунлади – 3:0!

"Истиқлол" ўйингоҳида бўлиб ўтган учрашувда ҳисоб 13-дақиқада очилди. Улуғбек Хошимовнинг қанотдан етказиб берган узатмасини Шаҳзод Убайдуллаев чиройли тарзда дарвозага йўллади. Ўйиннинг 51-дақиқасида Умар Адҳамзодани рақиблар жарима майдони ичида чалиб йиқитишди. Лутфулла Тўраев пенальтидан унумли фойдаланиб, ҳисобни 2:0 кўринишига олиб келди. 77-дақиқада меҳмонлар яна бир бор жарима майдонида Адҳамзодани қоидага зид равишда тўхтатишди. Иззатилла Абдуллаев 11-метрлик белгидан якуний ҳисобни ўрнатди.

Ушбу ғалабадан сўнг "Нефтчи" футболчилари ҳисобидаги очколар сони 32 тага етди. Жамоамиз 2022 йилги Суперлига якуний жадвалида 9-ўринни қайд этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-12 19:12:04